

續
文
獻
通
考

續文獻通考卷之一百八十四

皇明進士雲間王圻纂輯

六書考

書體

易曰上古結繩而治後世聖人易之以書契百官以治萬民以察蓋取諸夬

周禮保氏養國子以道乃教之六藝五曰六書 樂師掌國學之政以教國子國子十年出就外傳居宿於外學書計 外史掌達書名於四方 行人於九歲屬瞽史諭書名

燧人氏始作結繩之政

按索隱曰上古未有文字大事則大結其繩小事則小

結其繩以記之

倉帝名頤有睿德生而能書及長登陽虛之山臨於玄扈
洛水之汭靈龜負書丹甲青文倉帝受之遂窮天地之
變仰觀奎星員曲之勢俯察龜文鳥羽山川指掌而規
文字文字成天爲雨粟鬼爲夜哭

太昊伏羲氏造書契以代結繩之政

陳氏曰命未嘗爲飛龍字造書契謂刻木

書書制有六一日象形二曰假借三曰指事四曰會意
五曰轉注六曰諧聲使天下義理必歸文字天下文字
必歸六書是時獲景雲之瑞又作龍書

按班固藝文志又作象形象事象意象聲轉注假借

顏師古曰象形謂畫成其物隨體詰屈日月是也象事

謂指事也謂視而可識察而見意上下是也象意即會
意也謂比類合義以見指揮武信是也象聲即諧聲謂
以事爲名取譬相成江河是也轉注謂建類一首同意
相受考老是也假借謂本無其字依聲託事今長是也
夫六書始於象形而終於轉注象形指事文也會意諧
聲字也轉注假借則文字之變通者也自許氏說文以
今長之類爲假借考老之類爲轉注後世因之莫之有
改至毛晃氏始謂老字下從匕考字下從万各自成文
非反匕爲万也又曰周禮六書轉注謂一字數義展轉
注釋而後可通後世不得其說遂以反此非彼爲轉注
其說皆非厥後王魚齋氏正始之音趙古則氏六書本

義乃極論考老爲非矣

神農感嘉禾之瑞而作穗書

黃帝有熊氏立史官制文字倉頡爲左史沮誦爲右史倉頡見鳥獸之跡作鳥迹書體類象形而制字時又作雲書其書頭僂尾細團圓如水中之科斗子故又名科斗書

按燧人氏作結繩而昉書之意至伏羲造書契而成書之形倉頡爲古文而具書之體譬諸木結繩其始生耳書契則已蘖矣古文則幹且枝矣然伏羲時已有六書之名而又云黃帝始制文字則不知六書之所書者何文何字也豈六書徒有其名至黃帝始因之而叙文字

與史皇氏之名倉頡而黃帝之史復名倉頡豈古有兩倉頡與路史辯之甚詳今列於左

路史曰呂不韋書云史皇作書倉頡氏也管氏韓子國語史記俱無史官之說據世本云史皇倉頡同階又曰沮誦倉頡作書亦未嘗言史官也及韋誕傳玄皇甫謐等遂以爲皇帝史官蓋肇謬於宋衷衷之世本注云倉頡誦誦皇帝史官抑不知衷何所據而云末代儒流莫見其書更交引以爲世本之言世本曷嘗有是哉竊嘗考之倉頡之號曰史皇又曰倉帝河圖說微云倉帝起天雨粟青雲扶日語亦見之洛書說而鴻烈解言史皇生而能書是則倉帝史皇非人臣之類明矣後世徒見

其有史皇之名因謂爲史官耳豈今之所謂史乎哉且上古始制文字者倉頡也而無懷氏已刻徽號伏羲氏已立書契俱在炎皇之前豈得至皇帝而始制文字耶此崔瑗蔡邕曹植索靖顧野王之徒所以咸謂古之帝者得之矣

少昊金天氏作鸞鳳書

高陽氏作蝌蚪書

一云作倉頡所作古文

帝嚳高辛氏以人紀事作人書象仙人形車服書器皆爲之

陶唐之世南夷有越裳氏重譯來朝獻神龜蓋千歲方三餘背有蝌蚪文記開闢以來堯命錄之謂之龜曆

石鼓作鍾鼎形爲篆

穆光辭湯之禪隱於清冷之陂植薤而食見葉交偃象爲倒薤書以寫太上紫經三卷

周文王時史佚感騶虞而作虎書又文王赤雀銜書集戶武王丹鳥入室以紀祥瑞作鳥書後用以題幡取其飛騰輕疾又武王因素鱗躍舟而作魚書

宣王時太史史籀取倉頡形意損益古文或同或異轉相配合爲大篆十五篇以其名顯故謂之籀書以其官名故謂之史書以別小篆故謂之大篆今之石鼓文是也籀又作複篆而重複之故名

漢武帝時用題建章宮闕

媒氏作填書以書男女納采之文

魏常詔用題宮闕時王廙王隱皆嗜此體

魯哀公十三年西狩獲麟仲尼反袂拭面歎吾道終窮弟

子爲素王紀瑞因作麒麟書

魯秋胡之妻作鸞書

宋景公時司馬子韋感熒惑退舍而作轉宿書形似蓮花之未開

戰國時有款識書傳信鳥跡書書節爲信象鳥形

秦始皇初并天下一法度衡石丈尺車同軌書同文字始

嘗以皐字似
皇改爲罪

李斯增損大篆異同籀文謂之小篆亦曰秦篆世謂之王

筋篆又謂之八分小篆蓋比籀文十存其八云

按小篆之體又復有八曰鼎小篆曰薤葉曰垂露曰懸

針曰纓絡曰柳葉曰剪刀曰外國胡書古文可謂上古
大篆爲中古小篆爲下古

昔蔡伯喈居嵩山學書於石
室內得一素書八角垂芒頗

似篆

臨川吳氏曰秦丞相斯燔滅聖經直得罪萬世而能損
益蒼史二家文字爲篆書至今與日月相炳煥是不可
以罪揜其功也斯死之後工其書以名世者七八百年
僅見唐李陽冰又二百年僅見宋初徐鉉而已宋人能
者多於唐而表表者不一二噫何其孤也哉蓋亦有其
故矣秦人苟簡繁碎峻迫以爲泊一惟刀筆吏是任至
以衡石程其書厭篆書繁難省爲隸以便官府人惟便
之趨則孰肯背時所向而甘心繁難者哉家學之孤殆

其勢之所必至噫篆之興由於秦而篆之廢亦繇於秦推所從來任吏之過也

下邳程邈本秦獄吏得罪繫雲陽獄初善大篆覃思十年增減大篆去其繁複而爲隸上於始皇始皇善之爲隸人佐書故名隸書又曰佐書秦之權量所刻是也不爲體勢與漢款識篆文相類非有挑法之隸也

庾肩吾曰按郃善長水經注臨菑人發古塚得銅棺棺外書齊太公六代孫胡公之棺惟三字古文餘同今書按胡公在春秋前則隸書興於周代明矣當時猶與古文相參程邈始廢古文而全用隸又丘光遲以隸書興於周代謂亥有二首六身如布筭之狀按此亥文則春

秋已有隸書矣

秦廢古文更有八體一曰大篆

史籀

二曰小篆

李斯三曰

刻符

即古

四曰蟲書

即鳥書

以書幡信首

五曰摹印

屈

真密秦

屬文也

蕭子良

誤以

刻符摹印

合為一

體六曰

署書

即蕭何所定

以題

七曰殳書

書於殳也

殳體

八

曰隸書

程邈所作

徒隸之書

書契既出字體悉具蝌蚪古文大篆小篆各有所用如

禹刻岣嵝碑則用蝌蚪宣王刻石鼓文則用籀書如今

之傳世文字也至於用之庶民媒灼婚姻之約市井交

易之券則從簡易止用小篆何以知其然也唐人錢譜

載太昊氏金尊盧氏幣其文具存與今小篆不異昔在

京得太公九府圖錢近在滇得黃帝力布其文悉小篆
乃知小篆與大篆同出決不始於秦也如今人楷書亦
有數體有古字楷書有今字楷書又有一種省訛俗書
同一時也文人奇士多用古字官府文移通用今字市
井下流則用省訛俗書如錢作久聖作丕盡作𠂔是也
由是例之推千萬世以上隆古之極未必悉用蚪蚪推
千萬世以下世變之極未必悉用俗書也

漢時衛律

漢律篇名

學童年十七以上始試諷籀書九千字乃

得爲史又以六體試之課最者以爲尚書御史史書令
史吏民上書或不正輒舉劾大體者古文奇字篆書隸
書繆篆蟲書皆所以通知古今文字墓印章書信也

漢初有鶴頭書彷彿鶴頭詔板所謂之尺一簡又有偃波書狀若連波即詔板下鶴頭纖亂者

蕭何善篆籀爲前殿成潭思三月以題其額是謂署書

孝文以對字有口言多非誠去口而作對

孝武時產芝於宣房因以紀瑞而作芝英書國時作

司馬相如采日辰之蟲屈伸其體升降其勢以象四時之

氣爲氣候直時書

後漢東陽公徐安子搜諸史
得十二時書蓋象神形云

孝宣時召通倉頡讀者張敞從受之涼州刺史杜業沛人

爰禮講學大夫秦近亦能言之

是時河內女子毀李耳之塚於垣壁得古文皆漆書科

十字

元帝時史游爲急就章一編解散隸體簡略書之大抵損隸之規矩存字之梗槩縱任奔逸赴俗急就因草創之義謂之草書

趙一非草書略曰余郡士有梁孔達姜孟穎者皆當世之彥哲也然慕張生之草書過於希顏孔夫草書上非天象所垂下非河洛所吐中非聖人所造蓋世之末刑峻網密官書繁冗戰攻並作軍書交馳羽檄分飛故爲隸草趣急速耳示簡易之指非聖人之業也但貴刪難省繁損複爲單務取易爲易知非常儀也故其讚曰臨事從宜而今之學草書者不思其簡易之旨競以杜撰爲楷失指多矣且草書之人其技藝之細者鄉邑不以

此較能朝廷不以此科吏博士不以此講試四科不以此求備徵聘不問此意考績不課此事彼善字既不達於政而拙草無損於治推斯言之豈不細哉

張子曰草書不必近代有之必自筆劄已來便有之但編得_不謹便成草書其傳已久只是法備於右軍附以已意爲說既有草書則經中之字傳寫失其真者多矣以此詩書中字儘有不可通者

顏師古曰急就篇出小學家昔在周宣粵有史籀演暢古文初著大篆秦兼天下罷黜異書丞相李斯撰蒼頡篇中車府令趙高繼造爰歷太史令胡毋敬作博學篇皆所以啟導青衿再法錦帶也逮至炎漢司馬相如作

凡將篇俾效書寫多所載述務適時要史游景慕擬而
廣之元成之間列於秘府雖復文非清靡義闕經綸至
於包括品類錯綜古今詳其意趣實有可觀者焉然而
時代遷革亟經喪亂傳寫湮訛避諱改易漸就蕪舛莫
能釐正少者闕而不備多者妄有增益人用已私流宕
忘返至如蓬門野賤窮鄉幼學遞相承襲猶競習之既
無良師祇增僻謬若夫縉紳秀彥膏粱子弟謂之鄙俚
耻於窺涉遂使博聞之說廢而弗明備物之方於茲寢
滯師古家傳蒼雅廣綜統略尤精訓故待問質疑事非
稽考不妄談說必則古昔信而有徵先君思魯常欲
注釋急就以貽後學雅志未申昊天不吊奉遵遺範永

懷罔極舊得皇象鍾繇衛夫人王羲之等所書篇本備
加詳覈足以審定凡三十二章究其真實又見崔浩及
劉芳所注後魏太宗元年勅崔浩解劉芳續注音義證
三卷人心不同未云善也遂因暇日爲之詳訓皆據經
籍遺文先達舊旨非率愚管斐然妄作字有難識隨而
音之別理兼通亦即並載可以祛發未寤矯正前失振
幽翳之學攄制述之意庶將來君子裁其衷焉

孝平時徵爰禮等百餘人會說文字未央廷中以禮爲小
學元士

新莽時使司空甄豐定古文復有六書一曰古文孔氏壁

二曰奇字

即古文而異者也

三曰篆書

秦篆也

四曰佐書

即隸書也

五

曰錫篆

所也

六曰鳥蟲書

所也

莽又以璽字三

曰太威改爲三田

楊雄好爲奇字侯芭嘗從受學

東漢光武時馬援爲伏波將軍上書曰臣所假伏波將軍
印伏字犬外嚮成皐今印皐字爲白下羊斜印白下人
人下羊即一縣長吏印文不同恐天下不正者多符印
所以爲信也所宜齊因薦曉古文者事下大司空正郡
國印章奏可

章帝建初中秘書郎曹喜以工篆聞於京師帝見而悅之
嘗作懸針書又作垂露字如懸針而勢下纖阿那若濃
露之垂以書章表又本務光之法作薤葉篆垂枝濃

以小篆書之

章帝時杜操善草書帝愛之今上表亦作草書謂之章草
上谷王次仲作八分書蓋起於官獄多事苟趨簡易故

無點畫俯仰之勢

一云以古書字形少波勢乃作八分指法

蔡文矩曰臣父云割隸字八分取二分割篆字二分取
八分故名八分張懷瓘云本楷字漸若八字分散故名
八分又人用爲篇章或法令故謂之章程書又說書有
八體伯喈於八體之後又分此法故云八分

和帝時中命賈逵修理舊文於是許慎采史籀李斯楊雄
之書博訪通人考之於逵作說文解字六藝群書之詁
皆訓其意而天地鬼神山川草木鳥獸魚蟲雜物奇恠

王制禮儀世間人事莫不畢載

許慎又學孝經孔氏古文說古文孝經者孝昭時魯國三老所獻建武時給事中議論衛宏所校皆口傳官無其說慎復撰具一篇和帝時與說文並上秘府許冲序略曰庖犧氏始作易八卦以垂憲象及神農氏結繩爲治黃帝之史倉頡見鳥獸蹄呴之迹知分理之可相別異也初造書契蓋依類象形故謂之文其後形聲相益即謂之字字者言孳乳而寢多也著於竹帛謂之書書者如也以迄五帝三王之世改易殊體封於泰山者七十有二代靡有同焉周禮八歲入小學保氏教國子先以六書綴篇王太史籀著大篆十五篇與古文或異至孔

子書六經左丘明述春秋傳皆以古文厥意可得而說
其後諸侯力政不統於王惡禮樂之害已而皆去其典
籍分爲七國田疇異畛車涂異軌律令異法衣冠異制
言語異聲文字異形秦始皇帝初併天下丞相李斯乃
奏同之罷其不與秦文合者斯作倉頡篇中車府令越
高作爰歷篇太史令胡毋敬作博學篇皆取史籀大篆
或頗省改所謂小篆者也是時秦燒滅經書滌除舊典
大發隸卒興戍役官獄職務繁飭有隸書以趨約易而
古文絕矣自是秦書有八體漢興有草書尉律以教學
章今雖有尉律不課小學不修莫曉其說久矣孝宣時
召通倉頡讀者張敞從受之孝平時徵爰禮等百餘人

令說文字黃門侍郎採以作訓纂篇凡倉頡以下十四篇群書所載略存之矣及亡新居攝使大司空甄豐等校文書之部自以爲應制作頗改定古文時有六書所謂壁中書者魯恭王壞孔氏宅而得禮記尚書春秋論語孝經又北平侯張倉獻春秋左氏傳郡國亦往往於山川得鼎彝其銘即前代之古文皆自相似雖叵復見遠流其詳可得略說也而世人大共非訾以爲好奇者之故詭更正文鄉壁虛造不可知之書變亂常行以耀於世諸生競說字解經誼稱秦之隸書爲倉頡時書云父子相傳可得改易乃猥曰馬頭人爲長人持十爲斗蟲者屈中也廷尉說律至以字斷法苛人受錢苛之字

止句也若此者甚衆皆不合孔氏古文謬於史籀俗儒
鄙夫玩其所習蔽所希聞不見通學未嘗觀字例之條
怪舊執而善野言以其所知爲秘妙究洞聖人之微稽
又見倉頡篇中幼子承詔因號古帝之所作也其辭有
神仙之術焉其迷誤不喻豈不悖哉書曰予欲觀古人
之象言必遵修舊文而不穿鑿孔子曰吾猶及史之闕
文今亡也夫蓋非其不知而不問人用已私是非無正
巧說表詞使天下學者疑蓋文字者經藝之本王政之
始前人所以垂後後人所以識古今叙篆文合以古籀
傳採通人至於小大信而有徵稽撰其說將以理群類
解謬誤曉學者達神指分別部居不相雜廁萬物咸覩

靡不兼載厥誼不昭爰明以諭其簡易孟氏書孔氏詩
毛氏禮周官春秋左氏論語孝經皆古文也

靈帝熹平四年立石經於太學命議郎蔡邕爲古文篆隸
三體書之碑始立觀模寫者車乘日千餘兩六年帝
好文學引諸生能爲文賦者並待制鴻都門下工書寫
篆者亦加引召

時師宜官工楷大者一字徑丈小者方寸千言甚矜其能
或不時前詣酒家飲因書其壁顧觀者以售酒討錢足
而滅之每書輒削其樹梁鵠乃益爲板候其醉而竊其
樹鵠卒以書至選部尚書魏武得鵠書懸著帳中及
以釘壁坑之以爲勝宜官
朱育少好奇字每依體象類造作異字

穎川劉德昇作行書即正書之小僞務從簡易相聞流行故謂之行蓋真幾於均草幾於放介於兩間不真不草行書是也德昇又觀星象作纓絡篆

張芝變章草爲草書字之體勢一筆而成偶有不連而血脉不斷及其聯者則氣候映帶

左中郎蔡邕在鴻都門見匠人施墜帚遂創意爲飛白蓋創法於八分窮微於小篆者也

王僧虔曰飛白八分之輕重本是官殿題署勢既尋丈字宜輕微不滿故曰飛白梁武帝復有白而不飛飛而不白之論

魏初有鍾胡

鍾繇胡昭

二家爲行書法俱學之於劉德昇而鍾

氏小異然亦各有其巧

明帝太和中韋誕爲成都太守以能書留補侍中魏氏寶

器銘題皆誕書也

初誕師邯鄲淳而少不及淳又師曹喜畧究其妙喜又師李斯稱善

吳孫亮據桂氏命姓孫氏制八字重音商商音寔寔音聿聿音鉅

音精昱

音舉寇

音褒焚

音推

鄭樵曰八字無聲無義文而非文

字而非字者也

初秦博士桂真之後避地別居各撰其姓之文爲炅爲

吞爲炔三字俱音桂然惟炔猶得桂聲而又無義炅吞

二字聲義俱未通

晉武帝咸寧五年汲郡人左準掘魏襄王塚得竹簡小篆

書古文十餘萬言藏之秘府

黃門郎衛巨山祖覲父瑾皆以蟲篆草隸著名巨山幼得其法又創造散隸體及著四體書勢古今法之

吳臨川曰自隸興于秦而篆廢于漢其初不過圖簡便以適已而已漢隸之流爲晉隸則又專務姿媚以悅人妍巧千狀見者無不愛學者竭其精力以模擬之而患不似也夫字者所以傳經載道述史記事治百官察萬民貫通三才其爲用大矣縮之以簡便華之以姿媚偏旁點畫浸浸失真弗省顧惟以悅目爲姝何其小用之哉漢晉而後若唐若宋聲名文物之盛各三百年頗有肯尋斯籀之緒上追蝌蚪鳥跡之遺者視漢晉爲優然亦間見爾不易得也就二代而論唐之能者超於宋宋

之能者多於唐

元帝批荅用諾字形若鳳尾故謂之鳳尾諾蓋本於章草
字之有尾者 右將軍王羲之七歲善書十二得其父
曠之用筆秘法不盈暮月書大進衛夫人語太常王榮
曰此兒必見用筆訣也妾近見其書便有老成之意因
流涕曰此子必蔽吾名嘗書祭北郊文父乃削之筆入
木三分三十三書蘭亭序三十七書黃庭經訖空中有
語卿書感我而況人乎羲之書多不一體嘗遊天台還
會稽上洞庭題柱爲一飛字有龍爪之形因謂之龍爪
書

晉時王烈入河東抱犢山石室內有兩卷數書不知其

字不敢取頗諳十數字形體歸示稽叔夜盡知其字乃
將叔夜重往則失石室所在

齊武帝觀落英茂木爲花草書

王僧虔以擬龍爪作虎爪書加之縈婉兼以稜角

宋明帝以騶字𠂔類禍改而爲𠂔

按形影之影舊作景葛稚川加多於右軍陣之陣舊作

陳王右軍去東用車尼丘之山二合而爲𠂔音尼章貢之

水後人合而爲𠂔音尼荒畧二義元次山謚隋煬帝合而

爲𠂔音荒此與宋明所改皆以意變更者也

梁太宗時顧野王奉令撰玉篇特嫌其書詳略未當以蕭

愷博學文字爲善使與學士刪改

蕭琛在宮城有北僧南渡齊漢書序傳以爲班固真本琛固求得之其書多有異于今者而紙墨亦古文字多如攀龍之列非隸非篆琛深秘之

陳庾特善字書每屬薛好爲奇字文士以此譏之

周禮奇字見於洪文敏所記者如法爲鴻柄爲枋邪爲衮美爲熾呼爲噉拜爲擇韶爲磬怪爲倪暴爲魑獨爲播風爲觀鮮爲龜槁爲菟螺爲蠃牌爲廬魚爲敵理爲狙吹爲欽咳爲穢暗爲鰭析爲櫟探爲揮翅爲翼摘爲哲駭爲駭擊爲擊臺爲棒掬爲輦簾爲慎藻爲藻昊爲仄叩爲攸艱爲囍甞爲彪與夫盾鰓胖鱗盍眦酏桌鬻箔鷄栖緣福喫藥棟之類皆他經鮮用者

按張守節論史漢字例曰史漢文字相承已久若悅字作說閑字作閒智字作知汝字作女早字作蚤後字作后既字作漑勅字作飭制字作制此之沿流緣古少字通共用之史漢本有此古字者乃爲好本程邈變篆爲隸楷則有常後代作文隨時改易衛宏官書數體呂忱或字多奇鍾王等家以能爲法致今楷文改變非復一端咸著秘書傳之歷代又字體乖日久其黼黻之字法從前今之史本則有從端端秦本記云天子賜孝公黼黻鄒誕生音甫弗而鄒字之前史本已從端矣如此之類並即依行不可更改若其鼃鼃從龜辭從舌覺學字從與泰恭從小匱匠從走巢藻從果耕籍從禾席下爲

帶美下爲大哀下爲衣極下爲黠柝榜署片惡上安西
餐側出頭離邊作禹此之等類直是訛字寵字爲錫音陽
以支音侈反代文問分反將无混無若茲之流便成兩失

元魏世祖太武始光元年初造新字千餘詔曰在昔帝軒
矧制造物乃命倉頡因鳥獸之迹以立文字自茲以降
隨時改作故篆隸草楷並行於世然經歷久遠傳習多
失其真故今文體錯謬會義未愜非所以示軌則於來
世也孔子曰名不正則事不成此之謂矣今制定文字
世所用者頒下遠邇永爲楷式

太武時江文威上書三十餘法各有體例

江式傳曰六世祖瓊字孟若晉馮翊太守善篆篆詁訓

世傳家業祖彊字文威上書三十餘法有體例式少傳家學篆體尤工洛京宮殿諸門板題皆式書也式兄子順和亦工篆

世宗宣武延昌二年江式撰集古來文字上表乞給典書秘書所須之書并學士五人嘗習文字者助臣披覽書生各五人專令抄寫侍中黃門國子祭酒一月一監評議疑隱庶無紕繆所撰名目伏聽明旨詔曰可如所請其有所須依請給之書成號曰古今文字凡四十卷大體依許氏說文爲本上篆下隸

江式表略曰魏初博士張揖著埤倉廣雅古今字詁究諸埤廣綴拾遺漏增長事類抑亦於文爲益者然其字

詒方之許慎篇古今體用或得或失矣陳留邯鄲淳亦與揖同時博聞古藝特善倉雅許氏字指八體六書精究閑理有名於揖以書教諸皇子又建三字石經於漢碑之西其文蔚炳三體復宣較之說文篆體大同而古字少異又有京兆韋誕河東衛覲二家並號能篆當時臺觀勝題寶器之銘悉是誕書咸傳之子孫世稱其妙晉世義陽王典祠令任城呂忱表上字林六卷尋其況趣附託許慎說文而案偶章句隱別古籀奇惑之字文得正隸不差篆意也忱弟靜別倣故左校令李登聲類之法作韻集五卷宮商角徵羽各爲一篇而文字與兄便是魯衛音讀楚夏時有不同皇魏承百王之季紹五

運之緒世易風移文字改變象形錯繆隸體失真俗學
鄙習復加虛造巧談辯士又以意爲說炫惑於時難以
釐改乃曰追來爲歸巧言爲辯小兒爲醜神蟲爲蠶如
是甚衆皆不合孔氏古書史籀天篆許氏說文三字石
經也夫文字者六藝之宗王教之始前人所以垂今今
人所以識古故曰本立而道生孔子曰必也正名乎又
曰述而不作書曰予欲觀古人之象皆言遵修舊文而
不敢穿鑿也臣六世祖瓊家世陳留徃晉之初與從父
兄俱受學於衛覬古篆之法倉雅方言說文之義當時
並收曾祖善譽官至太子洗馬出爲馮翊值洛陽之亂
避地河西數世傳習斯業所以不墜也世祖大延中皇

威西被牧犍內附臣亡祖文威杖策歸國奉獻五世傳
掌之書古篆八體之法時蒙褒錄序列於儒林官班文
省家號世業臣每承雲澤厠霑漏潤驅馳文閣叅豫史
官題篆官禁猥同上哲既竭愚短欲罷不能是以敢籍
文世之資奉遵祖考之訓竊慕古人之軌企羨儒門之
轍撰集古來文字以許慎說文爲主爰採孔氏尚書五
經音註籀篇爾雅三倉凡將方言通俗文祖文宗埤倉
廣雅古今字詁三字石經字林韻集諸賦文字有六書
之義者皆以次類編聯文無重複統爲一部其古籀奇
惑俗隸諸體咸使班於策下各有區別詁訓假借之義
僉隨文而解音讀楚夏之異並逐字而注其所不知者

則闕如也 時沈法會能隸書宣武之在東宮勅法會
侍書後以隸迹見知於閭里者甚衆然未有如崔浩之
妙

後周太祖以隸書紕繆命趙文深與黎季明沈遐等依說
文及字林刊定六體成一萬餘言行於世

龔雋以時俗入書學者亦行東晉之禮書家所興起自龔
龔若同常俗未爲合禮遂啟大祖羅真倉龔曰王充論衡

龔以丙日蓋倉

隋文帝以周齊不遑寧處去隨之久而作隋

唐太宗貞觀六年正月八日命整理御府古今工書鍾王
等真跡得一千五百一十卷至十年太宗嘗謂侍中魏

鄭公曰虞世南死後無人可與論書徵白褚遂良下筆
道勁甚得王逸少體太宗即日召令侍讀嘗以金帛購
求羲之書跡天下爭齎古書詣闕以獻當時莫能辨其
真偽遂良備論所出一無舛誤

初羲之書蘭亭序十餘紙有一紙亦自以爲神命子孫
藏之傳至七世孫智永永傳弟子辯才太宗康之此書
在辯才許再降勅追入內道場供奉從容訪之俱辭以
亂離散夫因與房玄齡謀遣監察御史蕭翼徵行至越
州遊其寺中與辯才遇久之甚款因出其所持二王帖
示辯才辯才以爲未善乃徐於屋梁上檻內出其所藏
蘭亭示翼翼故駁瑕指觀居一日辯才偶起趨越齋翼

疾入其室取之至驛下敎都督徐善行追辯才入見告以取蘭亭辯才聞語絕倒持奏太宗太宗大悅賜資甚渥父之亦賜辯才物三千段穀三千石太宗大慚命以蘭亭殉因歸昭陵

太宗嘗謂朝臣曰書學小道初非急務時或留心猶勝棄日凡諸藝業未有學而不得也病在心力懈怠不能專精耳朕小時爲公子頻遭陣敵義旗之始乃平寇亂執金鼓必有指揮觀其陣即知疆弱以吾弱餌其疆以吾強衝其弱敵犯吾弱追奔不踰百數十步吾擊其弱突過其陣自背而反擊之無不大潰多用此制勝朕思得其理深也今吾臨古人之書殊不學其形勢惟在求

其骨力而形勢自生吾所爲皆先你意是以果能成也
十四年購求人間書凡真行二百九十紙裝爲七十
卷草二千紙裝爲八十卷每臨覽之暇以此臨玩又開
弘文館選貴臣子弟有性識者爲學生內出書命之學
人間有善書者追徵入館十年間海內從風 十八年
自三品以上賜宴於玄武門太宗操筆作飛白衆臣乘
酒就太宗手中相競散騎侍郎劉洎登龍床引手然後
得之不得者咸稱洎登床罪當死請正法太宗笑而置
之

高宗龍朔二年上自書與遼東諸將謂許敬宗曰許圜師
嘗自愛可於朝堂開示國師見之然喜私謂朝官曰

圉師見古蹟多矣魏晉以後惟稱二王然逸少多力而少妍子敬妍多而少力今觀聖跡兼絕二王之書鳳翥鸞迴實古今書聖

裴行儉以草隸名家高宗嘗以絹素詔寫文選覽之秘愛其法賚物良厚行儉每曰褚遂良非精筆佳墨未嘗輒書不擇筆而妍捷者余與虞世南耳

唐世取士以身言書判所謂書者楷法道美也

武后時鳳閣侍郎宗秦客改造十二字以獻因行之后所名墨即其字也 十二字照爲墨天爲天地爲墨日爲
○月爲因星爲○君爲周臣爲忠載爲肅初爲鳳年爲
率正爲正

按鄭樵通志所載又不止十二字亦無君字文亦微有不同今併錄於左以俟考古之士○天塋代地○代日○代月○代星○忠代臣○胤代載○歲代初○重代年○正代正○塋代照○塋代證○塋代聖○胤代授○胤代載○閔代國○鄭樵曰武后更造十六字代舊十六字史臣儒生皆謂其草創無義以予觀之天作茂日作○並篆文也年作重正作正並古文行於世者授古文亦有作胤胤者國亦有作因者也○籀文或有作坐者星崔希裕纂古而作○孰謂其草創而無本與

按傳記又言則天好改新字有言國中有或或者域也乞一武鎮之乃改作國○言武在口中與因何異乃改

作國

厓人

夷載

鳳初

登證

麓授

聖聖

匡生

七字見宣和畫譜與鄭樵所載文又微有不同

中宗神龍元年上謂鳳閣侍郎王方慶曰卿家多書合有
右軍遺跡方慶曰臣十代再從伯祖羲之書先有四
十餘紙貞觀十二年太宗購求先臣並以進訖惟有一卷
見在今臣進訖臣十一代祖導十代祖洽九代祖珣八
代祖曇首七代祖僧綽六代祖仲寶五代祖憲高祖規
曾祖褒并九代三從伯祖晉中書令獻之以下二十八
人書共十卷並進上御武成殿示群臣仍令中書舍人
崔融爲寶章集以叙其事復以集賜方慶舉朝爲榮

玄宗開元六年詔命整理內府古今工書鍾王等真跡得一千五百一十卷帝嘗以鄭形近鄭更而爲莫幽形近幽更而爲邠

代宗大曆十二年顏真卿獻所著韻海鏡源三百六十卷詔下秘閣及集賢書院貯之

真卿著千祿字書一卷以平上去入四聲爲次具言俗

通正三體

大較則有三體非謂每字皆然

所謂俗者例皆淺近惟籍帳

文案券契藥方非涉雅言所謂通者相承久遠可以施

表奏章啟尺牘判狀

若須作文言及選曹訟試兼擇正體用之尤佳所謂正者

可以施著述文章對策碑碣

進士考試理宜必遵正體明經對策書合經註本文

碑諸多作八分在阿循舊則也

徐浩父嘯之善書以法授浩浩工書書四十二幅斤八體
皆備草隸九工世狀其法曰怒猊抉石渴驢奔泉

張旭善草書嗜酒每大醉叫呼狂走乃下筆或以頭濡墨
而書既醒自視以爲神世號張顛嘗尉常熟有父老屢
求判狀張怒父老曰見公筆法奇妙欲家藏之耳遂判
與之張嘗見擔夫與公主爭道及公孫大娘舞劍逆悟
筆法

憲宗見卿公推書迹愛之問曰卿何能如是之善對曰用
筆在心心正則筆正矣文宗時嘗命以詩題於殿壁字
率徑五寸帝嘆曰鍾王無以尚也後宣宗召至御座前
書紙三番作真行草三體深之賜以器幣且詔自書謝

章無限真行當時大臣家碑誌非其筆以爲不孝外夷
入貢者皆別署貨曰此購柳書嘗書西明寺金剛經有
鍾王歐虞諸諸家法自謂得意凡公卿以書貺遺鉅
萬俱命王藏之思之始盜其銀杯笑曰銀盃羽化矣
惟聖觀圖籍帝自鑄和

文宗開成初唐書度於國子監復定石經九經字體依故
司業張參五經字樣爲定諸經之中別有疑闕舊字樣
未載者特與勅官商較是非取其適中者纂錄爲新加
九經字樣一卷請附五經字樣之末從之

武宗嘗創二字一旁一乃以試王僕射起起言臣於三教
書字所不識者周穆王傳察間二字耳向者二字群書

未見

唐韋續纂五十六種書以字有五易晉胡懷古文史籀製
大篆李斯作小篆程邈作隸書漢代作草是也其八體
者更加刺符篆印蟲書署書文書傳信書并六小篆爲
八也後漢東陽公徐安子搜諸史籀得十二時書皆象
形也又加二十三體共定五十有六種列之於後云

一龍書 二德書 三篆書 四雲書 五鸞鳳書

六科斗書 七人書 八龜書 九鍾鼎書 十倒薤

書 十一虎書 十二鳥書 十三魚書 十四填書

十五大篆 十六復篆前 十七爻書百氏所職文

記筭武記受因而製之名鼎象形 十八小篆周時所

作漢武帝汾陰鼎听存 十九仙人篆古之所有李斯

善辨其文字以爲象形 二十麒麟書 二十一轉宿

篆 二十二蠶書 二十三傳信鳥跡書詳具前 二十

四細篆李斯模寫始皇碑序用此體 二十五篆書李

斯刪古文始皇以祈禱登名山皆斯書 二十六刻符

書鳥頭雲脚體秦李斯趙高皆善之用題印璽 二十

七古隸書詳見前又名徒今爲八體 二十八徒隸書因程邈幽

因爲之 二十九署書詳見前 三十篆書草行之交也

漢董仲舒欲言災異主父偃竊而奏之晉衛瓘索靖善

之亦云相間而用者 三十一氣候直時書詳見前 三

十二芝英書六國時各以異體爲符信云又云述英芝書 三

十三靈芝書

詳見前又

三十四金錯書古之錢名周

之泉府漢之銖兩刀布所製

一說以銘金石故謂之金錯

三十五

上方大篆程邈所述後人飾之為此法 三十六鵠頭

書

三十七偃波書

詳

三十八蚊脚書尚書詔

不

用之其字體側纖垂下有似蚊脚因而為名 三十九

垂露篆

四十懸針篆有若針鋒因而名之用題五經

篇目

四十一章草書

四十二飛白書

詳

四十

三一筆書漢弘農張芝臨池所作其狀崎嶇有循環之

趣

四十四八分書

詳

四十五蛇書魯人唐琮當漢

魏之際夢蛇繞身寤而作此

四十六行書

四十七

散隸書

四十八龍爪書

詳

四十九藁書及行隸

書魏鍾繇變此義獻重焉 五十晉二王重變行隸及
草體爲八體書 五十一草書晉王羲之飾古亦甚善
五十二虎爪書前 五十三鬼書宋世元嘉中京口
有人震死臂上有似篆八分也 五十四外國胡書阿
馬鬼魅王之所授其形似小篆 五十五天竺書梵王
所作涅槃所謂四十二章經是也 五十六花書河東
山胤所作

唐僧夢英十八體書

古文 黃帝蒼頡所作秦用小篆焚燒先典古文遂絕漢
武帝時魯恭王壞孔子宅壁得古文尚書自後隨世變
易文成數體

廻轡篆 史佚所作合草木鳥獸山川蟲魚飛走動隱而

成其字

此即鳥書

雕蟲篆 魯秋胡妻所作

此即篆書

亦云戰筆書其體適健垂

畫纖長旋繞屈曲有若蟲形其狀似玄鳥優游落花散漫

飛白書

蔡邕所作

詳見前

薤葉篆 務光所作其狀若秋風遠望寒雪片飛世絕人學

璆瑤篆

後漢劉德昇作其體類蝌蚪而不直勢同廻轡

而宏遠雖諸篆之法盡殊而此書爲之首出後漢儒生

悉皆學此

大篆 周太史史籀所作詳見前漢元帝王遵嚴延年並工

史書是也

柳葉篆 晉衛瓘所作其跡類薤葉而不真筆勢明勁莫

能傳學

小篆 秦李斯所作詳見前書如鐵石字若飛動作楷隸之

祖永昌等書是也

芝英篆 漢陳遵母所作昔六國各以異體之書潛爲符

信則芝英興焉秦焚古典其文猥滅在漢中葉武帝臨

朝爰有靈芝三本植於殿前既歆芝房之曲又述芝英

之書陳氏即芝英之祖

龍爪篆 晉右將軍王羲之所作詳見前

懸針篆

漢曹喜所作其勢有若針之懸鋒芒故名詳見前

籀文

亦史籀所作詳見前

雲書

衛恒所作

按黃帝時有雲書此云衛恒所作誤矣

填篆

即填書王廙王隱皆云字間滿密故云填篆亦曰

方填書至今圖書印記並用之

剪刀篆

韋誕所作亦云金錯書其體狀若麗匣盤龍新

臺舞鳳自後史游造其極焉

蝌蚪篆

其流出於古今尚書序費氏註云書有二十法

蝌蚪書是其一法以其小尾伏頭狀似蝦蟆子故名

垂露篆

漢曹喜所作章帝嘗重此書懸之帳內謂其書

如金盤瀉珠鳳篋雜雨八法玄妙一字千金

宋景文公祁筆記云仲尼登太山見七十二家字各不同其字甚新但未詳其所出以上十八體終

後唐林罕嘗撰字源編小說其自叙略曰六書者非止着一意而屬一字一字之內有占六書二三四者大都造字者包含六意字有正者倒者橫而在上中下者豎而在左右中者向者背者並者重者順者逆者左者右者俯者仰者橫拆而裂別字者堅開而夾別字者有一字成者有全二字三字四字五字合成者有省二字三字四字合成者隸書有不拋篆者有全違篆者有減篆者有添篆者有篆隸同文者在篆體則可辨變隸體則多

有異義而同文篆亦有之又文下作子爲學更傍作
生爲蘇凡數十百字謂之野書唐有勅文明加禁斷今
往往見之是不可學其道書鬼書大篆章草八分飛白
破體行書亦無益于字篆隸有筆力適健字勢妍麗斯
乃意巧之人臨文改易或參差之長短之屈曲之拘戾
之務于奇恠以媚一時後習之人致與元篆隸不同蓋
病由此起耳今所篆者則取李陽冰重定說文所隸者
則取開元文字雖知魯鈍不失源流耳

南漢劉儼自制龔字爲名

龔音儼

宋置書判拔萃科以待選人之應書者

太宗即位之後募求善書者許自言於公車置御書院首

得蜀人王著以爲翰林侍書時呂文仲爲翰林侍讀與著更宿禁中每歲九月後夜召侍書侍讀及待詔書藝於小殿張燭令對御書字亦以詢采外事嘗至乙夜而罷

太宗方在龍潛留神墨妙及既即位朝廷宴寧萬幾之暇手不釋卷學書至於夜分善篆隸草行飛白八分而草書冠絕嘗草書千文勒石於秘閣又八分千文及大書飛白數冊以頒輔弼當世工書者莫不歎服嘗語近臣曰朕君臨天下亦有何事於筆硯特中心好且江東人能小草累詔告之殊不知向背也小草字學難究飛白筆勢罕工吾亦恐自此廢絕矣蓋深慮書法之缺墮

而勤以興之也

雍熙二年命徐鉉句中正刊定許慎說文正天下字學書
成計十四篇上之御府

徐鉉序略曰稽夫八卦既畫萬象既分則文字爲之大
輅載籍爲之大轡及物之功與造化均不可忽也雖復
五帝之後改易參體六國之世文字異形然猶存篆籀
之迹不失形類之本及暴秦苛政散隸肆興便於末俗
人競師法古文既絕謬僞日滋至漢宣帝時始命諸儒
修蒼頡之制亦不能復故光武時馬援上䟽論文字之
僞謬其言詳矣及和帝時中命賈逵脩理舊文於是許
慎作說文解字至安帝十五年始奏上之而隸書行之

已久習之益工加以行草八分紛然間出反以篆籀爲
奇惟之迹不復經心至于六籍舊文相承傳寫多求便
俗漸失本原爾雅所載草木魚鳥之名肆意增益不可
觀矣諸儒傳釋亦非精究小學之徒莫能矯正唐大曆
中李陽冰篆迹殊絕獨冠古今自云斯翁之後直至小
生此本爲不妄矣於是刊定古文修正筆法學者師慕
篆籀中興然頗排斥許氏自爲臆說夫以師心之見破
先儒之祖述豈聖人之意乎今之爲字學者亦多從陽
冰之新義所謂貴耳賤目也蓋篆書湮替爲日已久凡
傳寫說文者皆非其人故錯亂遺脫不可盡究今以集
書正副本及群臣家藏者備加詳考有許慎注義序例

中所載而諸部不見者審知漏落悉從補錄復有經典
相承傳寫及時俗要用而說文不載者承詔皆附益之
以廣篆籀之路亦皆形聲相從不違六書之義者其間
說文具有正體而時俗僞變者則具于注中其有義理
乖舛違戾六書者並序列于後俾夫學者無或致疑大
抵此書務援古以正今不徇今而違古若乃高文大冊
則宜以篆籀著之金石至於常行簡牘則草隸足矣又
許慎注解詞簡義奧不可周知陽冰之後諸儒箋述有
可取者亦從附益猶有未盡則臣等粗爲訓釋以成一
家之書說文之時未有翻切後人附益互有異同孫愐
唐韻行之已久今並以孫愐音切爲定庶夫學者有所

適從也

帝嘗閱於內府購天下書自漢章帝至唐太宗高宗書及古昔名臣蒼頡張芝鍾繇杜預東晉王謝唐褚陸顏柳之徒與王羲之王獻之墨跡並勒石爲法帖十卷以賜近臣後二府大臣初拜者皆賜之遂傳天下學者得以師法

神宗時王安石以字爲人不講作字說二十四卷以進自謂可亞六經然多穿鑿附會其流入於佛老

哲宗元祐二年禁科舉用王氏字說

紹聖元年除字說之禁

廬陵盧大經曰壽皇嘗問王季海曰聾字何以從龍耳

對曰山海經曰龍聽以角不以耳荆公解蔗字不得其義一日行圃見畦丁時蔗種橫陸之曰他時節節皆生公悟曰蔗之夜切底生是也字義固有可得而解者如一大爲天一土爲王日月爲明是誠妙矣然不可講通者甚多世傳東坡問荆公何以謂之坡曰土之皮東坡曰然則滑者水之骨也

又曰周易無皆作无王述曰天屈西北爲无盖東南爲春夏陽之伸也故萬物敷榮西北爲秋冬陽之屈也故萬物老死老死則無矣此字說之有意味者也

徽宗崇寧三年置書學習篆隸草三體明說文字說兩雅博雅方言篆以古文大小二篆爲法隸以二王歐虞顏

柳真行爲法草以章草張芝九體爲法說文則今書篆
字著音訓餘書皆設問答以所解義觀其能通書意與
否

欽宗靖康元年復禁用王安石字說

遼太祖神冊五年始製契丹大字九月大字成詔頒行之
天贊三年詔礪闢遏可汗故碑以契丹突厥漢字紀其功
金初無字及獲契丹漢人始通契丹漢字太祖遂命谷神
依漢人楷字因契丹字制度合本國語製女真字行之
後

熙宗製女真小字謂谷神所製爲大字

後以女真
字譯經史

皇統

五年初用御製小字

章宗明昌三年召王庭筠應奉翰林文字命與校書郎張汝方品第法書名畫遂分入品者爲五百五十卷

金王競爲翰林學士承旨兼章隸工大字兩都宮殿榜題皆競所書士林推重

元世祖至元六年二月行蒙古新字詔曰國家肇基朔方制用文字皆取漢楷及畏吾字以達本朝之言考諸遼金及遐方諸國例各有字今文治寔興字書方缺特命國師八思巴創蒙古新字頒行諸路譯寫一切文字期於順言達事而已其字凡千餘大要以譜聲爲宗七月立諸路蒙古字學九年和禮霍孫奏蒙古字設國子學而漢人子弟未有學者及官府文移猶有畏吾字

詔自今凡詔令並以蒙古字行仍遣百官子弟入學
十年勅自今並以國字書宣命 十五年詔虎符舊用
畏吾字今易以國字 二十六年尚書省言亦思替非
文字宜施於用今翰林院益福的哈魯丁能通其字乞
授以學士凡公卿子弟與後民依漢人入學肄習爲便
成宗大德十一年中書右丞孛羅帖木兒以國字譯孝經
進

順帝至正九年命皇子習漢人文字

皇明大明集禮論書學正訛有云六書自變隸以後流俗
寢失本真惟許慎說文爲文字之宗當依其義而以楷
法書之不可從俗凡從俗者皆字之訛也今略舉若干

字用平上去入四聲分之初學可以觸類而求如蟲豸
之蟲作虫非忽遽之忽作匆非豐盛之豐作豐非船作
舡非雙作双非微作微非歸作歸非偏裨之裨初始之
初皆從依不從不趨走之趨從芻作趨非趨音馳須髮
之須從彡作須非須火外切尋從目從日非吳從口從
吳從天非圖畫之圖作囙非鳬鷖之鳬作鳬非三鹿爲
麤作麤非束草爲芻作芻非盧作盧非雛作雛非隄防
之隄不從土堤的米切東西之西不作西西音亞臺作
臺非栽作栽非唇作唇非彬作彬非真作真非珍作珍
非因作回非羣作群非筋作筋非文作文非看從手下
目作看非丹象丹井形作丹非歡作歡非關作關非淵

作淵非蕭作蕭非開音開與防閑之閑不同本音叨與
根本之字不同號作号非高作高非宮商之商作商非
齋莊之莊作庄非寧作寧非冰作氷非繩作繩非興作
吳非句句曲之句也作勾非沈浮沈之沈也作沉非蠶
作蚕非嚴作嚴非此平聲字之當正者也冗作冗非恥
作耻非舉作本非呂作呂非筍作笋非館作館非鮮作
𩚑非獮作狝非鳥作鳥非卯作卯非夫無一點作夫非
兩从二入你兩非斗作𣥂非缶作缶非此上聲字之當
正者也鼻上从自作鼻非致右从文作致非在作在非
備作脩非歲从步戌聲作歲非獻从大廌聲作獻非𩚑
作𩚑非晉作晉非泰作泰非旆作旆非𩚑作𩚑非亂作

乱非變作变非面作面非霸作霸非美作美非壯从士
从土非敬从苟从苟非慶作慶非競作競非舊作舊非
宿作宿非此去聲字之當正者也竺从二作竺非倏从
大倏倏非屬作屬非覺作覺非學作學非駁作駁非吉
从士口出言從土字者非出象草木上連作兩山者非
切从刀七聲从土非舌从干在口象形从千非略作畧
非麥作麦非策作策非覓作覓非國作国非葉作葉非
乳音轍書取作取者非協从十書十作心者非此入聲
字之當正者也餘不能盡舉

人獻通考卷之一百八十四